



**SUD BOSNE I HERCEGOVINE  
СУД БОСНА И ХЕРЦЕГОВИНА**

---

**Predmet broj: S1 2 K 026927 19 K**  
**Datum objavljivanja: 03.07.2020. godine**  
**Datum pismenog otpravka: 06.07.2020. godine**

---

**Sudija pojedinac: Radević Goran**

**PREDMET TUŽILAŠTVA BOSNE I HERCEGOVINE**  
**Protiv optuženih**  
**ČOLOVIĆ VESNE i**  
**PRAVNE OSOBE „AQUA LIFE“ DOO SOKOLAC**

---

**PRESUDA**

---

**Tužilac Tužilaštva Bosne i Hercegovine: tužiteljica Hubijer Edina,**  
**Optuženi: Čolović Vesna i pravno lice „AQUA LIFE“, DOO Sokolac,**  
**Zastupnica pravne osobe: Čolović Vesna,**

## U IME BOSNE I HERCEGOVINE!

*SUD BOSNE I HERCEGOVINE, sudija Radević Goran, u krivičnom predmetu protiv I-optužene ČOLOVIĆ VESNE i II-optuženog pravnog lica „AQUA LIFE“ DOO Sokolac, po optužnici Tužilaštva Bosne i Hercegovine (Tužilaštvo BiH), brcj T20 0 KTPO 0014913 17 od 27.12.2019. godine, potvrđene dana 28.01.2020. godine, uređene podneskom Tužilaštva BiH, brcj T20 0 KTPO 0014913 17 od 05.06.2020. godine, zbog produženog krivičnog djela Porezna utaja ili prevara iz člana 210., stav 1., Krivičnog zakona Bosne i Hercegovine, u vezi sa članom 124. KZ BiH, nakon održanog ročišta za razmatranje Sporazuma o priznanju krivice i pretresa za izricanje krivičnopravne sankcije, u prisustvu tužioca Tužilaštva BiH, tužiteljice Hub.fer Edine, I-optužene Čolović Vesne istovremeno i kao zastupnice II-optuženog pravnog lica „AQUA LIFE“ DOO Sokolac, dana 03.07.2020. godine donio je i javno objavio:*

## P R E S U D U

### I - optužena

**ČOLOVIĆ VESNA**, kći Milovana i majke Jelisavke, rođ. Šoja, rođena 06.06.1976.godine u Sarajevu, po nacionalnosti ..., državljanka ..., sa završenom SSS, po zanimanju ekonomski tehničar, vlasnik i direktor pravnog lica "AQUA LIFE" d.o.o. Sokolac, bez ograničenja ovlaštenja, udata, majka jednog djeteta, neosuđivana, JMBG: ..., nastanjena u ...,

## K R I V A J E

### ŠTO JE:

1. Vesna Čolović kao lice ovlašteno za zastupanje u unutrašnjem i spoljnotrgovinskom prometu i direktor bez ograničenja u pravnom licu „AQUA-LIFE“ DOO. Sokolac, u poreznom periodu 2017.godine nije prikazivala ukupno ostvareni promet u PDV prijavama u smislu odredaba člana 3. 4. i 8. Zakona o PDV-u po osnovu pružanja usluga prevoza u drumskom saobraćaju i prodaje teretnih vozila u iznosu od 219.984,94 KM, na način da je za ostvareni promet dobara i usluga sačinjavala fakture kupcima- korisnicima usluga, a iste svjesno nije prikazivala u PDV prijavama, čime je postupajući suprotno odredbama člana 38. i člana 39. Zakona o PDV-u („Službeni glasnik BiH“, br. 9/05, 35/05, 100/08 i 33/17), poreske obaveze prijavljene u PDV prijavama za period 2017.godine, umanjila za iznos od 37.399,00 KM, odnosno, pružajući lažne podatke o ostvarenom oporezivom prometu u poreskim prijavama, izbjegla plaćanje PDV-a u ukupnom iznosu od 37.399,00 KM za koji iznos je oštećen budžet BiH,

### II- optužena pravna osoba

„AQUA LIFE“ DOO Sokolac“, sa sjedištem u mjestu Primčiči bb, PDV broj: ..., odgovorno lice direktor društva bez ograničenja ovlaštenja Vesna Čolović.

## ODGOVORNA JE

### ŠTO JE:

2. „AQUA-LIFE“ DOO Sokolac, sa sjedištem u mjestu Primčiči bb, PDV broj ..., je raspolagalo protivpravno ostvarenom imovinskom koristi u iznosu od 37.399,00 KM koju mu je u ime, za račun i u korist iste ostvarila Vesna Čolović u svojstvu direktora-odgovorne osobe u pravnoj osobi bez ograničenja ovlaštenja „AQUA-LIFE“ DOO Sokolac, na način opisan u tački 1.

### ČIME SU

I-optužena **Čolović Vesna** pod tačkom 1. počinila krivično djelo Porezne utaje ili prevare iz člana 210. stav 1. KZ BiH, a II-optužena pravna osoba „**AQUA-LIFE“ DOO Sokolac** pod tačkom 2. počinila krivično djelo Porezne utaje ili prevare iz člana 210. stav 1. KZ BiH u vezi sa članom 124. KZ BiH.

### Pa Sud:

1. **I-optuženoj Čolović Vesni**, primjenom navedenih zakonskih odredbi, te na osnovu odredbi članova 58. i 59. KZ BiH, **i z r i č e**

### UVJETNU OSUDU

kojom se optuženoj utvrđuje kazna zatvora u trajanju od jedne (1) godine te istovremeno određuje da se ova kazna neće izvršiti ako optužena u roku od tri (3) godine od dana pravosnažnosti presude ne počini novo krivično djelo.

2. **II-optuženoj pravnoj osobi "AQUA-LIFE" DOO Sokolac**, primjenom odredbi članova 131., 132. i 135. KZ BiH, **i z r i č e**

### **NOVČANU KAZNU U IZNOSU OD 7.000,00 KM (SEĐAM HILJADA KONVERTIBILNIH MARAKA),**

koju novčanu kaznu je optužena pravna osoba dužna platiti u roku od šest (6) mjeseci od dana pravosnažnosti presude, a u slučaju da se novčana kazna ne uplati u roku koji je utvrđen ovom presudom, bez odgađanja će se sprovesti postupak prinudne naplate, u skladu sa članom 132. stav 3. KZ BiH.

Na osnovu člana 110. KZ BiH, I-optužena ČOLOVIĆ VESNA i II-optužena pravna osoba "AQUA-LIFE" DOO Sokolac se obavezuju da vrate imovinsku korist pribavljenu krivičnim djelom koja je srazmjerna visini utajenog poreza, u iznosu od 37.399,00 KM (tridesetsedamhiljada tristotinadevedesetdevet konvertibilnih maraka), koji iznos su optuženi dužni platiti na račun budžeta BiH u roku od šest (6) mjeseci od dana pravosnažnosti presude, pod prijetnjom prinudne naplate.

Na osnovu člana 188. stav 1. ZKP BiH, I-optužena Čolović Vesna se obavezuje na naknadu troškova krivičnog postupka u ukupnom iznosu od 530,00 KM, a koji troškovi se sastoje od troškova Tužilaštva BiH na ime provedenog vještačenja u toku istrage u iznosu od 430,00 KM i sudskog paušala u visini od 100,00 KM, koji iznos je I-optužena dužna platiti u roku od 30 (trideset) dana od dana pravosnažnosti presude, pod prijetnjom prinudnog izvršenja.

## **O b r a z l o ž e n j e**

### **Uvod**

Kod ovog Suda (Sud Bosne i Hercegovine, Sud BiH) Tužilaštvo BiH je dana 27.12.2019. godine podiglo optužnicu, broj: T20 0 KTPO 0014913 17, protiv Čolović Vesne i pravne osobe "AQUA-LIFE" DOO Sokolac, zbog krivičnog djela Porezne utaje ili prevare iz člana 210. stav 1. KZ BiH. Navedena optužnica je potvrđena 28.01.2020. godine. Predmetnom optužnicom bilo je obuhvaćeno i lice Čolović Brane, u odnosu na kojeg je pravosnažnim rješenjem Suda BiH broj S1 2 K 026927 19 Ko od 27.01.2020. godine odbijena optužnica.

Predmet je dostavlje postupajućem sudiji kao pojedincu radi suđenja.

Dana 05.06.2020. godine, Sudu je dostavljena uređena optužnica, broj T20 0 KTPO 0014913 17 od 05.06.2020. godine, kojom je optužba prilagodila činjenični opis na način da je izostavljeno lice i radnje za Čolović Branu u odnosu na kojeg optužnica nije potvrđena.

### **Sporazum o priznanju krivnje optuženog**

U toku postupka, a nakon započinjenja glavnog pretresa, Sud je dana 23.06.2020. godine zaprimio Sporazum o priznanju krivnje/odgovornosti, pod brojem broj T20 0 KTPO 0014913 17 od 22.06.2020. godine, zaključen između optužene Čolović Vesne i pravne osobe "AQUA-LIFE" DOO Sokolac, zastupane po optuženoj kao zakonskoj zastupnici, sa jedne strane, i postupajućeg tužioca Tužilaštva BiH, tužiteljice Hubijer Edine, s druge strane (u daljem tekstu: Sporazum).

Optužena Čolović Vesna i pravna osoba "AQUA-LIFE" DOO Sokolac (zastupana po zakonskom zastupniku Čolović Vesni), su Sporazumom priznali krivicu/odgovornost za krivično djelo opisano u predmetnoj optužnici, odnosno počinjenje krivičnog djela Porezne utaje ili prevare iz člana 210. stav 1. KZ BiH. I-optužena Čolović Vesna prihvatila da joj se za počinjenje navedenog krivičnog djela izrekne uvjetna osuda kojom se utvrđuje kazna zatvora u trajanju od 1 (jedne) godine i istovremeno određuje da se ova kazna neće izvršiti ako optužena u roku od 3 (tri) godine od dana pravosnažnosti presude ne počini novo krivično djelo. II-optužena prava osoba "AQUA-LIFE" DOO Sokolac (zastupana po zakonskom zastupniku, zastupnici Čolović Vesni) je za navedeno krivično djelo prihvatila da joj se izrekne novčana kazna u iznosu od 7.000,00 KM. Sporazumom je takođe dogovoreno da će I-optužena i II-optužena nadoknaditi protivpravnu imovinsku koristi u iznosu od 37.399,00 KM, kao i troškove krivičnog postupka.

### **Ročište**

Razmatrajući zaprimljeni Sporazum, u skladu sa odredbom člana 231. stav 6. ZKP BiH, Sud je na ročištu održanom dana 19.06.2020. godine, provjerio i utvrdio da je I-optužena Čolović Vesna (istovremeno i kao zakonski zastupnik II-optužene pravne osobe „AQUA-LIFE“ DOO Sokolac) zaključila Sporazum dobrovoljno, svjesno i sa razumijevanjem, da je upoznata sa mogućim posljedicama zaključenja Sporazuma, uključujući i posljedice vezane za imovinsku pravnu koristi i troškove krivičnog postupka. Sud je utvrdio da je I-optužena Čolović Vesna (istovremeno i kao zakonski zastupnik II-optužene pravne osobe „AQUA-LIFE“ DOO Sokolac) razumjela da se na ovaj način odriče od prava na suđenje, da ne može izjaviti žalbu na krivičnopravne sankcije i odluke koje će biti izrečene u slučaju prihvatanja Sporazuma.

## **Pretnes**

Nakon što je razmotrio Sporazum i utvrdio da postoji dovoljno dokaza o krivici/odgovornosti optuženih, Sud je našao da su u cjelosti ispunjene pretpostavke propisane odredbom člana 231. stav 6. ZKP BiH, te isti prihvatio, nakon čega je isti dan održan pretnes za izricanje krivičnopravne sankcije na kojem su donesene odluke kao u izreci ove presude.

## **Odluke**

Imajući u vidu da su se I-optužena Čolović Vesna (istovremeno i kao zakonski zastupnik II-optužene pravne osobe „AQUA-LIFE“ DOO Sokolac), i tužiteljica Tužilaštva, nakon što je ova presuda izrečena i javno objavljena dana 03.07.2020. godine, saglasno odrekli prava na žalbu protiv iste, ova presuda sadrži skraćeno obrazloženje, tako da Sud neće detaljno navoditi i elaborirati dokaze o krivici/odgovornosti optuženih, iako je iste svestrano analizirao i ocijenio prilikom razmatranja Sporazuma i donošenja ove odluke. Iz istih razloga Sud neće detaljnije obrazlagati niti odluke o krivičnopravnoj sankciji, odnosno izrečenoj uvjetnoj osudi i novčanoj kazni, oduzimanju protivpravne imovinske koristi i troškovima krivičnog postupka

Sud je na osnovu uloženi dokaza Tužilaštva utvrdio da su se radnjama optuženih stekli svi bitni elementi bića krivičnog djela Porezne utaje ili prevare iz člana 210. stav 1. KZ BiH za koje krivično djelo je Sud optužene oglosio krivim/odgovornim, te je I-optuženoj Čolović Vesni uz primjenu odredbi člana 58. i 59. KZ BiH izrekao uvjetnu osudu, kojom je utvrdio kaznu zatvora u trajanju od 1 (jedne) godine i istovremeno odredio da se ova kazna neće izvršiti ako optužena za vrijeme provjere, i to u roku od 3 (tri) godine od dana pravosnažnosti presude, ne počini novo krivično djelo. II-optuženoj pravnoj osobi „AQUA-LIFE“ DOO Sokolac Sud je u smislu odredbi člana 132. KZ BiH izrekao novčanu kaznu u iznosu od 7.000,00 KM sa rokom otplate 6 mjeseci od dana pravosnažnosti presude, pod prijetnjom prinutne naplate.

Sud je uvjerenja da su izrečene krivičnopravne sankcije srazmjerne težini učinjenog djela i značaju zakonom zaštićenog dobra, te da se svrha krivičnopravnih sankcija u konkretnom slučaju može ostvariti izricanjem kazne bez njenog izvršenja (uvjetnom osudom) odnosno novčanom kaznom.

Primjenjujući imperativnu odredbu člana 110. KZ BiH, kojom je izričito propisano da niko ne može zadržati imovinsku korist pribavljenu krivičnim djelo, i da će ista biti oduzeta, Sud je I-optuženu Čolović Vesnu i II-optuženu pravnu osobu "AQUA-LIFE" DOO Sokolac obavezao da vrate imovinsku korist pribavljenu krivičnim djelom koja je srazmjerna visini utajenog poreza, u iznosu od 37.399,00 KM, koji iznos su optuženi dužni platiti na račun budžeta BiH u roku od šest (6) mjeseci od dana pravosnažnosti presude, pod prijetnjom prunudne naplate.

Predmetnom optužnicom prvobitno je predloženo da se imovinka korist (srazmjerna iznosu utajenog poreza) oduzme od poreskog obaveznika (pravne osobe „AQUA-LIFE“ DOO Sokolac), s obzirom na to da je upravo optužena pravna osoba raspolagala sa navedenom imovisnom koristi, dok se u dostavljenom Sporazumu, I-optužena Čolović Vesna kao zakonski zastupnik pravne osobe obavezala da namiri imovisnu korist.

Cijeneći navedeno, uz saglasnost tužiteljice, Sud je prihvatio obrazloženje dato na ročištu za razmatranje sporazuma, da je zbog blokiranih računa pravne osobe jedini način uplate novčanih iznosa (i protivpravne imovinske koristi i novčane kazne) je da navedene iznose uplati I-optužena Čolović Vesna u ime pravne osobe AQUA-LIFE“ DOO Sokolac. S toga, Sud napominje da će

uplate od strane I-optužene biti evidentirane kao valjeno ispunjenje obaveze optužene pravne osobe AQUA-LIFE“ DOO Sokolac po ovoj presudu, o čemu će biti upoznata nadležna Uprava za indirektno - neizravno oporezivanje BiH.

Kada su u pitanju rokovi uplate novčane kazne i protivpravne imovinske koristi, Sud je uvažavajući molbu I-optužene odredio duži vremenski period (šest mjeseci), cijeneći da je ostavljeni rok primjeren okolnostima na strani I-optužene, koja je kao zakonski zastupnik pravne osobe preuzela namirenje kako novčane kazne, tako i protivpravne imovinske koristi.

Kada su u pitanju troškovi krivičnog postupka, kako to i predviđa član 188. stav 1. ZKP BiH, Sud je I-optuženu Čolović Vesnu obavezao na naknadu troškova krivičnog postupka u ukupnom iznosu od 530,00 KM a koji se odnose na troškove isplaćene od strane Tužilaštva BiH vještaku finansijske struke<sup>1</sup> (430,00 KM), te sudskog paušala u visini od 100,00 KM, koji iznos je I-optužena dužna platiti u roku od 30 (trideset) od dana pravosnažnosti presude, pod prijetnjom prinudnog izvršenja.

### **Završne napomene**

Imajući u vidu da su stranke nakon izricanja i javnog objavljivanja presude, kako je to naprijed i navedeno, saglasno izjavile da se odriču prava na žalbu protiv ove presude, ista je postala pravosnažna danom njenog donošenja i objavljivanja, odnosno dana 03.07.2020. godine, zbog čega ista sadrži skraćeno obrazloženje, koje je izloženo u širem obimu isključivo u dijelu koji nije bio obuhvaćen Sporazumom, kao što je pitanje plaćanja protivpravne imovinske pravne koristi.

**POUKA O PRAVNOM LIJEKU:** *Protiv ove presude pravo žalbe nije dozvoljeno.*

### **DOSTAVITI:**

1. Tužilaštvo BiH,
2. I-optužena,
3. II-optužene pravno lice, putem zakonskog zstupnika,
4. Uprava za indirektno - neizravno oporezivanje BiH,
5. U spis.

**ZAPISNIČARKA**  
Pravna savjetnica  
*Ilvana Hadžić*

**SUDIJA**  
*Goran Radević*

---

<sup>1</sup> Rješenje Tužilaštva BiH, broj: T20 0 KTPO 0014913 17 od 31.12.2019. godine